

中國方志叢書·華北地方·第五二二號

據

清·衛秦龍修，傅維標纂
清康熙十一年修，二十五年刊本

影印

河北省

靈壽縣志



成文出版社有限公司印行



10106115

中華民國六十五年 月壹一版

靈壽縣志

全冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

靈壽縣志序

靈壽於真定三十二州縣中最爲瘠壤其民遇豐歲豆飯羹羹僅免溝壑一遇水旱蝥螬之災流離轉死不可救藥蓋在前代已然兵燹之後元氣益復衰耗以故文獻散佚無徵按史傳所記故事詢之士人無有能道之者大禹治衛疏鑿何所鮮虞中山之時疆理若何武靈惠文屯兵何方昌國君遺址安在樂叔繼封何鄉何里邳侯食采第宅何存何年始廢曹武惠韓忠獻父子聚族何村始遷何代大聖大賢之故迹如烟雲之過目不可復求穆然徒見滹沱流而太行峙而已卽戶口之盛衰賦役之繁簡典禮之廢興自明以前亦湮沒

不可考豈不可慨也哉國學生傅君維樸憫舊志之殘缺網羅放失舊聞彙緝成編藏於家塾筆削詳畧具有法度不鑿不濫然其已湮沒者亦末如之何也適余奉 部檄徵縣志因取其書稍爲更定附以管見分爲十卷聊以備採擇云爾閱是編者見其土瘠民窮慨然思爲政者宜安靜不宜紛更寧損上毋損下寧便民毋便官則可矣若曰一方之文獻在是則余與傅君皆不能無愧焉

崑

康熙乙丑仲夏

賜進士出身直隸真定府靈壽縣知縣當湖陸隴其謹序

凡例

一真定府志分表紀志傳今總謂之志其人物志卽傳也而表紀則缺焉蓋一邑之小文殘獻缺不能如府志之詳靈壽土瘠民貧居官者知此然後不敢以紛更聚斂爲事土著者知此然後不敢以侈靡爭競爲能綱領所在故隨處提醒

一郡邑志例有八景悉屬湊合曲陽志獨刪之差強人意蓋觀山川者當知其源委形勢沾沾於景抑末矣况又牽合乎今悉不載卽縣境一圖亦止以山川爲經村落爲緯無取於景

卷之三
一舊志凡官廨昔有今無者不敢輒削但就本地之下註曰
久廢以志桑滄之感今依之

一牌坊之建蓋表厥宅里之意所重在人不在于坊買櫝還
珠無取乎耳故名臣賢士既表章於各傳中不復載其坊
額

一闢邪崇正爲政之大防故佛老寺觀槩不敢載如魯栢邢
林止因事而見

一天下通行如文廟儒賢位次籩豆牲帛之數儀注祭文詳
在會典者俱不載

一賦役關係民生休戚故備詳沿革不厭其煩

一官師選舉止詳本朝亦本舊志斷自明初之例非敢擅創也

一名臣言行如樂昌國曹武惠彰彰於正史者止存其畧俱不詳載

一風雲月露之篇無關地方利病者俱不載

一名賢著述如朱仲福之折中曆法因兵燹散失訪求未得亦從闕如

一靈壽舊志修於萬曆丙子者缺畧不全修於康熙壬子者草創未就國學生傅君維禔因前二志益以已所聞見序次成書詳畧有法取舍不苟此編雖稍有更定然大半本

於傳書前後序論則係管見亦有出自傳君者求當理而
已不復分別某人之言中間隨筆所記不成論者則皆以
一按字冠之

陸隴其識

修縣志姓氏

康熙乙丑重修

明嘉靖庚寅創修

知縣豐城李廷璋

教諭汝陽張 繹

舉人 王維藩 董宗魯

監生 李 鰲 張 復

生員 彭舜卿 吳純仁 尹欽德 申舜臣

嘉靖丙申較刊

知縣湘潭石如鰲

訓導洪洞范 登

修縣志

姓氏

生員 趙景暘 楊希哲

萬曆丙子重修

知縣南豐張 照

教諭昌樂王 纘

訓導聊城王 基

進士 傅鳴會

舉人 楊騰芳 耿德章

生員 董尚純 馬朝用 楊騰奇 侯三聘

馬思選 尚東儒 王慎行 貢繼志

國朝康熙壬子重修

知縣韓城衛秦龍

訓導安州姬弘基

廣順知州傅維模

貢生 康國盛

監生 傅維模

官生 傅熒訥

生員 吳奇光 董朝英 馬鴻勛

靈壽縣志姓氏終

康熙丙寅
秋較刊

靈

壽


歸

轉

地

圖

自靈邑流入真定境



靈壽舊志地圖簡甚康熙二十三年奉 上諭命天下繪輿圖因徧歷境內山川考其源委纂成是圖一邑之經緯昭然在目矣然欲明其大勢非觀畿輔全圖不可按畿輔之水惟永平之灤渝諸河自入海其餘皆歸於衛白二河以入海衛發源衛輝府至天津而入海白河卽潞河至天津三岔口與衛河合流入海大名之水如洹如淇皆自入衛順德廣平之水如滏陽如漳皆經大陸會於漳沱以入衛漳沱至獻縣分流一支入白真定之水如滋如泲如滹彙爲高陽河保定之水如涿如易彙爲白溝河如徐如雹彙爲長流河皆會於任丘縣趙北口之四角河又東至霸州保定縣爲玉帶河又東入白順天之水如拒馬如琉璃皆會於漳河合玉帶河而入白大抵千支萬派而衛白二河其綱也入衛諸水漳沱其綱也入白諸水渾河及趙北口之四角河其綱也以禹貢之迹言之則洹水大陸九河衛漳恒衛大伾皆在畿輔洹水在冀州大陸在任縣鉅鹿隆平寧晉一帶滏陽漳水之所經也九河在南皮衛漳卽漳水之合漳沱者也恒水在唐縣或云卽泲河衛卽靈壽之衛非發源衛輝者大伾山在瀋縣東南不與西北諸山相接謹列其大略附於圖末庶有心者知所考云

靈壽縣志 目錄

康熙乙丑重修

卷之一

地里志

沿革 疆域 分野 山川 風俗
古蹟 社里 集市 紀事 方音

卷之二

建置志

城池 公署 學宮 壇廟
官舍 關梁 丘墓

卷之三

祀典志

秩祀 羣祀

災祥志

物產志

卷之四

靈壽縣志

目錄